

Oratio anniversaria in theatro Collegii Regalis Medicorum Londinensis, ex Harveii instituto / habita a Joanne Latham.

Contributors

Latham, John, 1761-1843.
Royal College of Surgeons of England

Publication/Creation

Londini : T.N. Longman, [1794]

Persistent URL

<https://wellcomecollection.org/works/pbqfgffq>

Provider

Royal College of Surgeons

License and attribution

This material has been provided by This material has been provided by The Royal College of Surgeons of England. The original may be consulted at The Royal College of Surgeons of England. where the originals may be consulted. This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

2
ORATIO ANNIVERSARIA

IN THEATRO

COLLEGII REGALIS MEDICORUM

LONDINENSIS,

EX HARVEII INSTITUTO,


HABITA

A JOANNE LATHAM, M.D. SOCIO;

DIE OCTOBRIS DECIMO OCTAVO,

FESTO SANCTI LUCÆ EVANGELISTÆ,

A.D. M.DCC.XC.IV.



LONDINI

Apud T. N. LONGMAN.

ORATIO ANNIVERSARIA

IN THEATRO

COLLEGII REGII MEDICORUM

LONDINENSIS

EX HARVARDI INSTITUTO

EDITA

Digitized by the Internet Archive
in 2015

DIE OCTIDIS DECIMO OCTAVO

FESTO SANCTI LUCÆ EVANGELISTÆ

A.D. MDCCLXIV.

LONDINI

Apud T. N. LONGMAN.

COLLEGIO REGALI MEDICORUM

LONDINENSI,

PRÆSIDI SOCIIS ET PERMISSIS,

HANC ORATIUNCULAM

D. D. D.

J. Latham.

COLLEGIUM REGALIUM MEDICORUM

LONDINENSIS

PRESIDI SOCIIS ET PERMISSIS

HINC ORATIONEM

B.D.D.

J. Latham.



Oratio Anniversaria, &c.

SAPIENTER et consultè, Præses insignissime, Vosque Socii Fratresque dignissimi, Solemnia sunt instituta, ne virtus sit spissâ caligine obducta, vel humanos oblivio penitus labores obruat. Hoc mihi, nequaquam ingratum, in Ordine demandatum est officium; at, quanquam fortasse hujuscemodi Exercitationis me posthac aliquantillum pudeat, cui nec facilis dicendi sit facultas, nec flumen Orationis exundans, Res tamen Majorum gestas commemorâsse, et quasi in medium

dium protulisse imitandas, minimè me pigebit. Absit igitur in talibus ausis excusatio levis et fucata, absit mihi veniam petere suppliciter, quippe qui studeo pro viribus, qualescunque sint, Academias nostras honoribus amplificare, qui vobiscum hæc Ædes et amo et veneror, et qui, a primâ etiam in hancine Societatem Cooptatione, virorum optimorum et maxime eruditorum consuetudinem benignam et benevolentiam fautricem me habuisse glorior.

Dum laudes Literarum et Medicinæ hodiè celebramus, quisnam adest, qui non in ipso limine sacratò tanta et tot nobis beneficia exindè collata grato animo contempletur? Fundator enim

enim ipse noster cultorem tam Medicinæ, quam omnium aliarum Literarum humaniorum se maximum semper præbuit: benigno Numine et fausto Artes Apollineas feliciter instauravit, et undique collectis seu Græcis sive Romanis Radiis hæc suas Ædes illuminandas curavit: Ipse doctissimus haud difficilem esse viam voluit, sed omnibus apertam et patefactam: Hæc adhuc Doctrinæ, et in mediis, instar Dipfadis, undis sitiens, nîl prius meliusve facturum sibi videbatur, quam si in Posterum se talem traderet, qualis ab incepto processerit: Hoc igitur Collegium posuit, æquas sancivit leges, atque omnia alia quæ ad gubernationem sive tutamen necessaria essent, statuit: Primus ipse

Societati

Societati suæ præfuit, dignos honestosque Medicos confociatos habuit, hoc doctorum versatorumque Virorum Collegium in perpetuum permanere et voluit et effecit, et tandem mortem obiens omnibus sese exhibuit Exemplar suspiciendum, admirandum, imitandum:

Se nobis dedit, amicum, patronum, patrem ;

Bona sua hæc nobis commisit, et nostræ mandavit fidei :

Hæc nostram in manum dedit :

Accepimus—accepta servabimus.

Secula jam tria propemodum effluxerunt, annis supervenientibus annis, viros secum continuatâ ferie abri-
pientia

pientia vix aut ne vix quidem ipsi
 Linacro secundos vel impares ; Caios,
 Caldwallos, Gulstonos, Harveios, Ha-
 meos, Gliffonos, Sydenhamos, Frein-
 dios, Meadios : — Quid memorem
 plures, quando, si cuiquam nostros
 Annales evolvere placeat, longo or-
 dine se invicem sequentia nomina me-
 dicorum inclytissima aspiciantur?—
 Quid memorem plures, quando ejus-
 modi viros hæccine ornatissima Corona
 nunc jactat, alios etiam clarissimos mox
 jactatura? Hisce enim sedibus Lina-
 crinis nunquam adhuc optima sua
 impertire Dona erubuit Sapiencia, huic
 equidem Communitati nunquam ad-
 huc defuerunt Ingenii et Artium cul-
 tores, aut Naturæ Observatores exqui-
 sitissimi.—At si de humano genere

benè meriti sint Antecessores nostri, quid defit nostro seculo, quo minus simili etiam munere fungamur? Si Hippocratici Galenicive Ævi tales sese præbuerint Æmulos, quales nosmetipsum esse oportet, quos longa Majorum docet Experientia, et Observatio propria confirmat? Non autem Eruditionis fastidium, non Scientiæ adfectatio, non Superbiæ inanitas Homini- bus vel Virtutem, vel Sapientiam, vel Honorem reverà largitur—labor utilis, patientia studiosa, diligentia accurata, Praxis repetita, Mens capax, Mores mansueti, hæc equidem honestant Medicum, et hodiernos ipsorum Antecessoribus reddere possunt æquales. Parum enim refert attingisse labris tua flumina, O! Isis, Deliciæ

Deliciæ Nostræ! ubi stat turribus
 altis Præsidium Juventutis et dulce
 Decus sublimi vertice tangens Æthera;
 siue amænas invisisse tuas, O! Grante,
 Ripas vago metitas gressu, nisi pleno
 Haustu deprompserimus, nisi certa
 impegerimus vestigia: Ex his autem
 sedibus erumpens Fons Doctrinæ jugis
 hanc equidem Societatem consueto in-
 fluxit Curfu; et ex hoc fonte deriva-
 tam, aggeribus septam circum et
 pollentibus Undis, potestne subvertere
 Invidia, aut vastare malignitas? Haud-
 quaquam—amnis nunquam defluet,
 sed rivò lucido et profundo labitur,
 in omne Ævum lapsurus.

Si autem ità nostræ se Res habeant,
 si origine gaudeamus, si auxilio et tuta-
 mine valeamus, ne obliviscamur talem

nobis conditionem fide et diligentia^a tuendam esse: Inter nosmet-ipsos nullis rupta querelis fit Pax altrix optima Scientiæ; hisce Ædibus Doctrinæ et Apollini sacratiss abfit diffidium, Imperium in Imperio, malis divulgum querimoniis Fœdus; Mens omnibus fit una, amicitia stabilis, sodalitium sincerum: et si de dignitate, præfecturâ, vel quâcunque aliâ causâ forsitan agatur, certamen fit honestum, decorum, urbanum; dedecorant enim Jurgia Ingenuos, et Civitas Rixis vexata sub pondere iniquo mox titubat, et tandem mole ruit suâ.

Vereor equidem ne tali concordia auxilio citius opus sit, quam forsitan existimetur: Incedimus etiam nunc per ignes suppositos Cineri
dolofo—

dolofo—Invadit enim inimica Cohors,
 et agmine facto irruens minatur : non
 amplius latet Hostis, et occultè ad-
 versatur, sed acriter et confertim in
 aperto aggreditur ferox, audax, perti-
 nax ; posthabitâ fide de observandis
 Statutis, et de omnibus in Arte Me-
 dicâ pro Viribus in honorem Collegii
 faciendis:—Nulla autem fit inter nos
 tumultuantis Hostis formido ; Minas
 enim grandiloquas Mens dissipat firma,
 et in furorem usque præcipitem ide-
 oque consilii expertem vim cito vincit,
 quantumvis minacem, Concordia.

Verum enimvero tametsi mihi esset
 occasio querendi prolixius de factâ
 nobis temerè injuriâ, vetat amplius
 differere liberalitas ; de criminationi-
 bus

bus autem allatis tacere omnino vetat
 Justitia: si conscia Mens Recti famæ
 rideat Mendacia, honestæ indignationis
 quiddam non potest non sentire, dum
 incertâ Opiniõne laceffitur. Nobis
 prorsus ignotus est iniquus iste mos
 huic concedendi quod illi denegamus:
 Lex omnibus est eadem, Tros Tyriusve
 nullo discrimine habetur: In Arenam
 omnibus descenditur, sed non omnes
 fors manet una; huic enim arridens,
 illi minus fit benigna Minerva. De
 jure, non arbitrio, trutinamur; nam
 libra justa et æqualis singulis suspen-
 ditur: Quosdam minus fortassè doc-
 tos, indoctos nunquam, civitate do-
 navimus: et si postea longa dies de
 memoriâ quibusdam aliquid detri-
 verit, vel si paucas hic et illic juven-
 tuti

tuti maculas incuria fuderit, non crimini nobis objiciatur, quoniam qualis fit Medicorum Natura, talis tota est humana.

Satis meherculè de Æquitate nostrâ jamjam dictum fuisset, ni invidus quidam Zoilus exprobrandi occasionem quotidie arripuisset nos in Sodalitium nostrum quosdam cöoptatos iniquè accepisse: At dignos equidem elegimus, alios etiam dignissimos fortassè electuri: Non autem Homines Senio et Imbecillitate confectos, non aliarum studio literarum solummodo exercitatos, non morosos et iracundos, sed vigore Animi pollentes, Medicinæ et Artium illi fervientium doctos cultores, ingenuos et placidos—optimos
deniquè

deniquè cooptari volumus, maximè solliciti ne iterum illis, aliter faciendo, ansam redarguendi indè deductam præbeamus. Apagè igitur tales hascine querelas invidas et inanes:—namque apud nos reverà est, sicut in aliis civitatibus, ubi πολιτεία quidem optimè constituta est, quæ ex diversis ordinibus constat; et ubi non potest aliquis ex alio in alium ordinem, sponte suâ et quasi per saltum transire, nisi jure et consensu permittitur: ideoque certè non mirandum est nos consuetudines et privilegia nostra diligenter custodire, quando videamus simili ratione Institutiones omnes tuendas esse atque conservandas.

Plurimis idcirco, Socii Fratresque,
posthabitis Rixarum causis, majora

nobis aggredienda sunt, sodalities nostræ digniora proferenda. Quid autem iterum edam nostrarum præconia Rerum, quas virtus privata statuit, utilitas publica confirmavit, et sacratæ sanctio legis stabilivit? Si pro more potius, quam pro meritis multa essent collaudanda, leviter equidem hæccine oratiunculâ talia perstringerem; sed ubi plura nitent, ubi consilii prudentis omnia sunt repleta, maximè reus esse viderer criminis, nisi pleno Ore atque rotundo eloqui conarer. Et quis est qui in conspectu habens salubrem nostræ Reipublicæ Medicæ formam atque *οικονομίαν*,—imperium Uni commissum, paucis administratum, omnibus participatum, non statim magnopere admiratur?—

Præfes ex Electis eligendus primus inter pares videtur, auctoritatem præfidendi cum Insignibus recti regiminis et gubernationis tenens, ut tam sibi quam cæteris omnibus Collegis in animo sedeat, Scientiâ et Prudentiâ Collegium nostrum firmiter stabiliri: In Comitibus Rogator æquus, Sequester fidus, Arbiter justus, exponit, suadet, admonet: Paucos etiam ex omnibus Electos habet Hortatores, Confiliarios, Adjuutores, ne Animus sollicitudine vexatus languescat, ne Cura præfidendi assidua tædium adferat, ne Manibus fessis et laxis moderetur Habenas: At si Res aliqua gravis vel quiddam periculi instet et minetur, omnes equidem adcurrunt et opitulantur; consiliis et viribus, dictis et factis

factis maximè agentes ne quid nobis alicundè fiat iniquum, ne Virtuti et Honestati Sodalitii Detrectatores temerè maledicant, ne Collegium Nostrium subvertere malevolentia valeat: Et meherculè tam his quam aliis de causis Censores sunt eligendi—paululum enim refert habere supervisum et scrutinium, nisi etiam habeant correctionem et gubernationem Agyrtarum et Impositorum, omniumque Medicinæ facultatem non benè exequentium: His atque aliis muneribus funguntur suis, in singulis videlicet medicaminibus Pharmacopolarum scrutandis et corrigendis, et in iis examinandis qui Ordinem Sociorum vel Permissorum ambiunt—muneribus equidem ingratissimis—sed pro bono publico et Col-

legii utilitate sine irâ, sine odio, sine timore fungendis : Quinetiam fiunt Conservatores Collegii Dignitatis, Omnes contra bonos Mores vel Praxin honestam facientes admonendi, puniendi vel lite persequendi potestatem habentes :—Et itanè vero se res habent in omni Imperio benè constituto ?— Qui etenim ad gubernacula accedunt, quibusque summa rerum permittitur, sic sibi comparatam vendicant Vim sententiæ et consilii adjutricem, virtutis et honoris vindicem.—Et nonne tuum, O! Britannia! Imperium siccinè habitum est et moderatum ? Nonne multa jam evolvère sæcula te tuumque decus summo jure collaudantia ? Infidias doli et seditionis irâ, scelere, et libidine paratas, jamdudum feliciter superasti—
integra

integra et incolumis dum ipsum se-
 nefcat Tempus in juventute vigeas,
 valeas, polleas—Undique dum de-
 certant Regna pro aris et focis, ne
 Hostis per vetitum nefas impius et
 sacrilegus ruat, et, quid sit jucun-
 dum, quid honestum, quid sanctum
 et reverendum, penitus confundat ;
 tibi libertas inviolata, fides incorrupta,
 justitia immutabilis, tibi O! Infu-
 larum felicissima! salvi sunt Penates—
 cum Lare quisque suo utatur fundo,
 sub vite et ficu suis fruatur frugibus,
 nihil timens, nihil invidens, sed in
 posteros posterorum tradens munera,
 quæ quisque per innumeros missa
 tuatur Avos.

Si tali sub formâ talique sub modo
 Respublica nostra Medica omnino
 se

se habuerit, et si Exemplar istud in-
 signe et venerandum Sodalitium nos-
 trum studeat adhuc imitari, de pris-
 tinâ famâ quid mirandum, de fu-
 turo splendore quid metuendum?
 Vidimus equidem Linacri benevo-
 lentiam et scientiam, Caii doctrinam,
 Caldwalli beneficentiam, Gulstoni li-
 beralitatem, Harveii acumen, Hamei
 munificentiam, Gliffoni solertiam,
 Sydenhami *αριβειαν*, Freindii erudi-
 tionem, Meadiique elegantiam—Hos
 equidem atque alios ingenio, perspi-
 cuitate, peritiâ, sedulitate, facundiâ
 illustrissimos, planetarum instar suis
 pervagatis gyris clarissimo lumine mi-
 cantes, vidimus—plurimos etiam se-
 cum quasi satellites, sociali fœdere
 firmo conjunctos et comitantes or-
 dine

dine lucido et splendenti aspeximus :
 Nonne autem identidem nobis oriun-
 tur Sydera nova quotannis?—Nonne
 te vidimus, Pitcairne sagax ! nomen
 O ! prægrande olim et futurum, in
 Orbe tuo fulmine fulgido coruscan-
 tem? Nonne te animo audenti et
 perspicaci, quod facit assiduo tramite
 Vulgus iter deferentem, atque ig-
 notas inusitataeque vias benigno nu-
 mine explorantem? Nonne te, Come-
 tam, admiramur, Circulum fidereum
 effugientem, et semitam totam tuam
 fulgore nitidissimo designantem?—
 Te etiam, Austine solers, Orbiculum
 heu ! brevissimum peragentem vidi-
 mus—sed cursum tuum celeberrimum
 lux notat perennis, et gloria splendi-
 dissima ;—nam dum Medicinæ restabit
 utilitas,

utilitas, Chemiæ decus, Philosophiæ dignitas, semper honos nomenque tuum laudesque manebunt. O! Utinam! mihi liceat amicitias nostras jam inde ex adolescentulis commemorare! sed vetat hæc publica occasio de privatis familiaritatibus differere, alioquin ex ejus consuetudine Oxoniensi doctâ et benignâ plurimum commodi jaçtarem, cujus, Musarum Sedibus relicti, omnibus innotuit Fama—alioquin, amicum mihi certum atque stabilem in Re multâ et incertâ Londinensi vellem esse summâ voce illum agnoscere, gratiasque edicere quarum Memoria nullo nisi extremo cum spiritu delenda est:

Quis desiderio sit pudor aut modus
 Tam chari capitis?—

Ergo

Ergo Austinum perpetuus Sopor
 Urget?—cui pudor et Justitiæ soror
 Incorrupta fides, nudaque veritas—
 Quando ullum invenient parem?
 Multis ille bonis flebilis occidit,
 Nulli flebilior, quam mihi!!!

Quid memorem Winteringhami Li-
 teras, quid Plumptrei Studia, qui
 sua nuperrimè subiêre Fata!!—ambo
 equidem circum redimiti Tempora
 lauro Honoris, olivâ Utilitatis, cani-
 tie dignitatis! Quid memorem—sed
 lugubres efferre cantus desinat Oratio
 —Socios amissos, sublatam ex oculis
 virtutém plorare jubent Amor pietas-
 que; sed confodaliū virtutes coram
 nobis excelsas atque venerandas memi-
 nisse juvaret Animus, et suaderet ve-
 ritas:—

ritas:—vetat autem consuetudo. At
 O! Parcarum! ne nos alteram poscite
 Victimam repentinam! Ne iterum
 Aris fiat frequentissima Mortis Immo-
 latio! Falce quanquam mordaci tuâ,
 O Tempus, prosternas Omnia, Aciem
 concedas aliquantisper obtundi, et ne
 acuas in Messem uberiores! Quan-
 quam Omnium versetur Urna, ultima
 sit vestrum Sors exitura! Sit, O! sit
 vobis lethi tarda Necessitas, nec in
 cœlum fero redeunti cuiquam corri-
 piat gradum!

Sospites igitur, O! Sodales, pre-
 cor atque obtestor pergite—et vobis
 Collegii Status totus conservabi-
 tur, et honor Medicinæ perpetuus
 florebit—Vestro enim prudenti et
 fideli

fideli sub regimine omnia et sunt
 eruntque fausta, omnia salva; et vo-
 bis opitulantibus minimè timendum
 est, ne quid Sodalitium nostrum De-
 trimenti capiat; sed arietes suffos-
 sionesque hostium contemnentes, et
 haudquaquam metuentes ne contumax
 firmam proruat Columnam Odium,
 hæ Ædes pondere suo stantes, ponde-
 ribusque libratae suis viguerunt, vigent,
 et semper vigeant.



fidei sub regimine omnia et sunt
 etiamque facta, omnia sunt; et vo-
 bis episcopatibus minime timentam
 est, ne quid sollicitum nostrum De-
 tinenti capiat; sed ardet iustos
 fidei et nostrum continent, et
 hanc ipsam rectores ne continent
 ipsum prout Columnam Odium
 et fidei pondere suo hanc, pondere
 fidei libere suis vigent, vigent
 et semper vigent

